

U skladu sa članom 46. stav (2) i (3), a u vezi sa članom 22. stav (6) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“ broj: 3/23) i Pravilnika o dodjeli sredstava sa tekućih transfera odobrenih Skupštini Zeničko-dobojskog kantona u Budžetu Zeničko-dobojskog kantona, broj: 01-02-4072/23 od 22.03.2023. godine, predsjedavajući Skupštine Zeničko-dobojskog kantona, uz saglasnost oba zamjenika predsjedavajućeg Skupštine, d o n o s i:

PROGRAM

utroška sredstava sa razdjela 10, Skupština Kantona, budžetska organizacija 01, potrošačka jedinica 0001, ekonomski kod 614300 pozicija „Tekući transfer neprofitnim organizacijama” Budžeta Zeničko-dobojskog kantona za 2023. godinu

SVRHA/CILJEVI PROGRAMA

Ovim programom predsjedavajući Skupštine Zeničko-dobojskog kantona i zamjenici predsjedavajućeg Skupštine, u skladu sa svojim ovlaštenjima utvrđenim u članu 46. stav (2) i (3), a u vezi sa članom 22. stav (6) Zakona o izvršavanju Budžeta Zeničko-dobojskog kantona za 2023. godinu i u budžetu planiranim sredstvima, u svojstvu predstavnika zakonodavnog tijela Kantona, odnosno njegovog užeg rukovodstva, žele, u ime Skupštine Zeničko-dobojskog kantona, dati određenu materijalnu podršku projektima, programima, manifestacijama i aktivnostima u organizaciji raznih udruženja građana, te vjerskih zajednica, koji su, značajni za građane Kantona i za institucije i organe Zeničko-dobojskog kantona, ili za Federaciju BiH, odnosno za državu Bosnu i Hercegovinu.

Ovo su projekti, aktivnosti i manifestacije u oblasti kulture, sporta, nauke, obrazovanja, umjetnosti, kao i značajne manifestacije i projekti za očuvanje i promociju historijskih i državnih tekovina, (kao što su akademije za dan nezavisnosti, državnosti, okrugli stolovi na takve teme, značajni sportski i kulturni događaji i manifestacije, vjerske manifestacije, dodjela nagrada istaknutim sportistima i sportskim organizacijama, te kulturnim radnicima, najboljim učenicima i studentima.... talentovanim pojedincima i dr. slični događaji i manifestacije, te sufinansiranje projekata izdavanja knjiga i publikacija na temu značajnih historijskih i državnih tekovina, značajnih ličnosti iz istorije Bosne i Hercegovine, njene državnosti, kulture i tradicije), te podrška programima i aktivnostima iz oblasti obrazovanja, nauke, kulture, sporta i sl., posebno onih koji imaju za cilj stručno usavršavanje pojedinaca i određenih kategorija građana, (kao što su nabavka stručne literature i potrebnih sportskih i drugih rekvizita, finansiranje ili sufinansiranje određenih stručnih usavršavanja, seminara i edukacija, takmičenja i sl.), u organizaciji udruženja građana, kao i podrška programima i aktivnostima koji imaju za cilj obilježavanje, očuvanje i zaštitu značajnih istorijskih, kulturnih, tradicijskih i vjerskih tekovina od značaja za Kanton i državu Bosnu i Hercegovinu, njene narode i građane i podrška programima i aktivnostima usmjerenim na obilježavanje značajnih jubileja i događaja u oblasti obrazovanja, nauke, kulture i sporta, te fizičke kulture, pružanje pomoći u cilju učešća na raznim sportskim, muzičkim, kulturnim i vjerskim manifestacijama, pružanjem pomoći u obezbjeđivanju dijela potrebnih troškova i nabavke potrebnih rekvizita, kao i sufinansiranje i finansiranje raznih humanitarnih projekata i akcija, na području Bosne i Hercegovine, koji su od značaja za državu Bosnu i Hercegovinu ili Federaciju BiH, (kao što su projekti povratka raseljenih lica i izbjeglica, pružanje raznih vidova pomoći u određenim humanitarnim akcijama, liječenjima i sl.), kao i sufinansiranje i finansiranje raznih aktivnosti i događaja značajnih za djelatnost nekog udruženja građana.

Ovim programom se takođe nastoji pružiti pomoć i vjerskim zajednicama prilikom organizacije raznih vjerskih skupova, obilježavanja vjerskih praznika i organizovanja raznih manifestacija, shodno članu 11. stav 4. i člana 13. stav 3. Zakona o slobodi vjere i pravnom položaju crkava i vjerskih zajednica u Bosni i Hercegovini („Službeni glasnik BiH“ broj: 5/04).

Odredbom člana 13. stav 3. Zakona o slobodi vjere i pravnom položaju crkava i vjerskih zajednica u Bosni i Hercegovini („Službeni glasnik BiH“ broj: 5/04), propisano je slijedeće: **„Donacije i prihodi crkava i vjerskih zajednica tretirat će se u skladu sa zakonima i propisima koji se odnose na neprofitabilne, obrazovne i karitativne organizacije.“**

Članom 11. stav 4. istog Zakona je propisano da **„Crkve i vjerske zajednice imaju pravo tražiti i primati dobrovoljne priloge u novcu i druge priloge“.**

Na ovaj način želi se podići ugled i kredibilitet Skupštine Kantona, kao zakonodavnog tijela, kojeg čine na izborima neposredno izabrani predstavnici građana, koje pored svoje osnovne uloge, (zakonodavne), ovim putem se još više približava građanima i njihovim udruženjima, pružajući im neposrednu podršku i pomoć odobravanjem određenog iznosa novčanih sredstava kojim se podržavaju i pomažu, odnosno sufinansiraju njihovi razni projekti, aktivnosti i sl., što se može smatrati strateškim ciljem dodjele sredstava sa navedenog transfera.

REZULTATI DODJELE SREDSTAVA

Zbog specifičnosti navedene vrste dodjele sredstava, teško je utvrditi mjerljive rezultate i pokazatelje ostvarenja svrhe i strateških ciljeva dodjele navedenih sredstava, osim zadovoljstva korisnika dobivenih sredstava, koje je iskazano i vidljivo u njihovim dostavljenim izvještajima o namjenskom utrošku sredstava, te odjeku u javnosti postignuto realizacijom određenih projekata, programa i aktivnosti udruženja građana koji su iste realizovali uz pomoć dobivenih sredstava odobrenih od strane predsjedavajućeg ili zamjenika predsjedavajućeg Skupštine, kao i promocijom odnosno popularizacijom njihovog rada, kao i dostojanstvenijem i adekvatnijem obilježavanju značajnih datuma iz historije Bosne i Hercegovine, te njenih naroda i građana, kao i značajnih državnih i vjerskih praznika i sl., a što je sve vidljivo u javnosti i medijima, te utiče na poboljšanje ukupnog ambijenta u široj društvenoj zajednici. Mjerljive rezultate, kao i ciljeve navedene dodjele sredstava koji su mjerljivi na način da je moguće sagledati rezultate nakon realizacije tih transfera i koji su ostvarivi u vremenskom periodu od godinu dana za koju se priprema i usvaja Program utroška sredstava je teško definisati i zato što Skupština Kantona nije nosilac aktivnosti u strateškom dokumentu Kantona, (Strategija razvoja Zeničko-dobojskog kantona za period 2021.-2027. godina).

VISINA SREDSTAVA

U Budžetu Zeničko-dobojskog kantona za 2023. godinu u ovu svrhu odnosno u cilju postizanja navedenih ciljeva, su planirana sredstva u iznosu od **110.000,00 KM**, u razdjelu 10, budžetska organizacija 01, potrošačka jedinica 001, ekonomski kod 614300, pozicija „Tekući transferi neprofitnim organizacijama“.

Programom su obuhvaćeni projekti, manifestacije, događaji i aktivnosti koji su, po kvalitetu i sadržini, od značaja za Kanton, Federaciju BiH ili za državu Bosnu i Hercegovinu odnosno od značaja na podnosioca zahtjeva/molbe i širu društvenu zajednicu.

KRITERIJI ZA DODJELU SREDSTAVA :

1. Sredstva će se odobravati na osnovu podnesenih projekata održavanja programa, manifestacije, takmičenja i sl., ili realizacije nekog drugog događaja ili za sprovođenje nekih aktivnosti za čiju se organizaciju odnosno održavanje traže određena novčana sredstva, te podnesenih zahtjeva sa priloženom relevantnom dokumentacijom, kojom se dokazuje ispunjavanje uslova navedenih u zahtjevu, **uz obavezno podnošenje slijedeće dokumentacije:**
 - Kopija Rješenja Ministarstva za pravosuđe i upravu, odnosno drugog nadležnog ministarstva a iz kojeg se vidi registrovana djelatnost udruženja, odnosno vjerske zajednice,
 - Izvod iz Registra udruženja (original ili kopiju), - **ne starije od 3 mjeseca,**
 - Kopiju Uvjerenja o poreznoj registraciji, izdato od Porezne uprave Federacije BiH (sa identifikacijskim brojem udruženja),
 - Program organizacije određene manifestacije ili nekog drugog događaja odnosno aktivnosti za čiju se organizaciju odnosno održavanje traže određena novčana sredstva, projekat za čiju se organizaciju odnosno održavanje traže određena novčana sredstva ili drugi odgovarajući akti nadležnog organa, kao dokaz navoda iznesenih u podnesenom zahtjevu/molbi,
 - Potvrdu/uvjerenje od banke o vlasništvu i broju transakcijskog računa udruženja građana, u kojoj će biti i izričito navedeno da isti nije blokiran (**ne stariju od 3 mjeseca,**
 - Druge odgovarajuće akte, kao dokaz navoda iznesenih u podnesenom zahtjevu/molbi, odnosno kao dokaz razloga i svrhe/ciljeva radi koje se traži odobravanje novčanih sredstava, (**ukoliko se radi o aktima udruženja-kao što su razne Odluke i sl., isti trebaju biti doneseni od strane nadležnog organa udruženja, svojeručno potpisane od strane ovlaštenog lica i ovjerene pečatom udruženja.**
2. Program odnosno zahtjev/molba treba da sadrži sljedeće elemente:
 - Naziv projekta (programa, seminara, edukacije, stručnog usavršavanja, manifestacije, takmičenja, određenog događaja ili planirane aktivnosti, izdavanja knjige, publikacije i sl., te drugog projekta za čiju se realizaciju traže određena sredstva),
 - Podaci o organizatoru, odnosno nosiocu projekta ili planiranih aktivnosti odnosno nekog događaja od značaja na podnosioca zahtjeva/molbe i širu društvenu zajednicu,
 - Podaci o organizaciji ili udruženju koje je nosilac aktivnosti i priprema za izdavanje knjige ili publikacije, odnosno određenog drugog projekta ili događaja ili određenih planiranih aktivnosti, (registrovana djelatnost, uvjerenje o poreznoj registraciji izdato od Porezne uprave Federacije BiH sa identifikacijskim brojem udruženja, potvrdu/uvjerenje od banke o

- vlasništvu i broju transakcijskog računa, u kojoj će biti i izričito navedeno da isti nije blokirano),
- Obrazloženje značaja programa, manifestacije, takmičenja, knjige, publikacije, planiranog događaja ili aktivnosti i sl., kao i drugog projekta za Zeničko-dobojski kanton, Federaciju BiH ili državu Bosnu i Hercegovinu,
 - Mjesto i vrijeme održavanja, odnosno izvođenja projekta,
 - Naziv autora knjige ili publikacije, ličnih podataka o njemu, njegovom prebivalištu i boravištu na području Kantona, odnosno organizatoru određene manifestacije ili programa,
 - Naziv izdavača knjige ili publikacije i sl.,
 - Sadržaj programa, manifestacije, takmičenja i sl., odnosno određenog projekta ili događaja, te njegov cilj, odnosno svrha,
 - Sadržaj knjige ili publikacije i sl., odnosno drugog određenog projekta,
 - Potrebna sredstva i način finansiranja,
 - Obrazloženje utroška potrebnih sredstava.
3. Ponuđeni programi ili projekti trebaju da promovišu Zeničko-dobojski kanton, ili da su od značaja za Federaciju BiH ili državu Bosnu i Hercegovinu, odnosno da isti predstavljaju sprovođenje određenih projekata koji su značajni za državu Bosnu i Hercegovinu i njene narode i građane, odnosno da su značajni za djelatnost nekog udruženja građana ili širu društvenu zajednicu.
 4. Kvalitet i sadržajna inovativnost ponuđenog programa,
 5. Značaj programa ili projekta za očuvanje kulturnog identiteta i istorijskog naslijeđa Bosne i Hercegovine, njene državnosti, kulture i tradicije, te razvoja kulture i sporta,
 6. Doprinos promovisanju domaćih kulturnih stvaralaca i umjetničkih grupa (ansambala), odnosno domaćih pisaca i autora,
 7. Da projekti imaju osiguranu finansijsku podršku iz više izvora finansiranja,
 8. Da projekti predstavljaju realizaciju određenih aktivnosti koje imaju za cilj stručno usavršavanje pojedinaca i određenih kategorija građana,
 9. Humanitarni karakter određenog projekta ili akcije,
 10. Da se radi o pružanju pomoći u cilju učešća na raznim sportskim, kulturnim, obrazovnim i vjerskim manifestacijama, pružanju pomoći u obezbjeđivanju dijela potrebnih troškova i nabavke potrebnih sportskih i drugih rekvizita.

Dodjela sredstava sa pomenutog tekućeg transfera će se vršiti bez objavljivanja javnog poziva, zbog objektivne nemogućnosti provođenja istog, te nepostojanja propisanih uslova za objavljivanje i provođenje javnog poziva, imajući u vidu sve specifičnosti dodjele pomenutih sredstava koje odobravaju predsjedavajući Skupštine i svaki od dva zamjenika predsjedavajućeg, odnosno iz razloga što u konkretnom slučaju davalac budžetskih sredstava nije ministarstvo ili druga organizacija javnog sektora shodno odredbi tačke 20. a) Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH”, broj 15/18). **Određeni vid transparentnosti dodjele pomenutih sredstava će se obezbijediti dostavljanjem Programa utroška sredstava svim poslanicima Skupštine Zeničko-dobojskog kantona i objavom istog na službenoj stranici Vlade i Skupštine Zeničko-dobojskog kantona, www.zdk.ba, kako bi isti bio dostupan svim zainteresovanim subjektima.** U okviru odobrenih budžetskih sredstava predsjedavajući i zamjenici predsjedavajućeg Skupštine imaju ovlaštenje, da za utvrđene svrhe/ciljeve, (nakon utvrđivanja ispunjavanja svih propisanih kriterija i uslova), svojim aktom, (zaključkom), odlučuje o odobravanju pomoći, u svakom konkretnom slučaju. **Ukoliko podnosilac zahtjeva nije uz svoj zahtjev/molbu dostavio svu potrebnu dokumentaciju i akte kao dokaz ispunjavanja propisanih kriterija, istom će se dostaviti pismena obavijest o potrebi dopune iste kako bi se njegov zahtjev/molba mogao uzeti u razmatranje, a ako istu ne dopuni dostavom relevantne dokumentacije i akata, njegov zahtjev/molba se neće uzeti u razmatranje. Ne mogu se odobriti sredstva za redovne aktivnosti udruženja,** (redovne, izvještajne i izborne sjednice Skupština udruženja, te sjednice drugih organa udruženja), kao ni za plaćanje režijskih troškova i slično, niti za aktivnosti i projekte koji se odnose na kapitalna ulaganja, (u koje spadaju kupovina osnovnih sredstava kao što su; zemljište, mašine ili zgrade, oprema, te izgradnja objekata ili njihovo renoviranje, adaptacija, dogradnja i sl.), već samo za one konkretne projekte koji ne spadaju u kapitalna ulaganja, te za organizovanje određenih takmičenja, raznih manifestacija i slično, te kao podrška promociji i stimulisanju pojedinaca i kolektiva na ostvarivanju što boljih rezultata u radu i takmičenjima, podrška aktivnostima koje imaju za cilj očuvanje i promociju historijskih i državnih tekovina BiH, promociju Zeničko-dobojskog kantona u oblasti sporta, kao i razvoj i omasovljenje sporta na području Kantona, pružanje raznih vidova pomoći u određenim humanitarnim akcijama, kao i sufinansiranje i finansiranje raznih humanitarnih projekata i akcija, na području Bosne i Hercegovine, koji su od značaja za državu Bosnu i Hercegovinu ili Federaciju BiH, (kao što su projekti povratka raseljenih lica i izbjeglica, pružanje raznih vidova pomoći u određenim humanitarnim akcijama, liječenju i sl.), te sufinansiranje i finansiranje raznih aktivnosti i događaja značajnih za djelatnost nekog udruženja građana, (koji ne spadaju u kapitalna ulaganja), kao i za omogućavanje boljih

uslova za rad udruženja, (koji ne spadaju u kapitalna ulaganja), kao i za podsticaj izdavanju knjiga i publikacija koje promovišu kulturne, istorijske i tradicijske vrijednosti naroda u BiH, te podsticaj i pomoć za stručna usavršavanja, pružanje pomoći u cilju učešća na raznim sportskim, muzičkim, kulturnim i vjerskim manifestacijama, pružanjem pomoći u obezbjeđivanju dijela potrebnih troškova i nabavke potrebnih rekvizita, (sportskih i dr.).

Ne mogu se u toku iste kalendarske godine, jednom istom udruženju građana, za istu svrhu, dva ili više puta odobriti novčana sredstva, bilo da je ta sredstva već jednom odobrio predsjedavajući Skupštine ili jedan od zamjenika predsjedavajućeg Skupštine.

RASPODJELA SREDSTAVA PO PROGRAMIMA

Ukupno planirana budžetska sredstva na budžetskoj poziciji Skupštine Kantona „Tekući transfer neprofitnim organizacijama“ koje će neprofitnim organizacijama odnosno udruženjima građana, odobravati predsjedavajući Skupštine i zamjenici predsjedavajućeg Skupštine, će se rasporediti između njih, **prema kriteriju značaja pozicije koju isti obnašaju**, i to tako da će predsjedavajući, (koji obnaša najvišu i naznačajniju poziciju u Skupštini Kantona), raspolagati sa **40%** planiranih sredstava, a svaki od zamjenika predsjedavajućeg Skupštine će raspolagati sa po **30%** planiranih sredstava.

Br.	Naziv programa	Svrha programa	Primalac	Iznos u KM	Izvori finansiranja
1	2	3	4	5	6
	- Organizacija svečanih akademija, okruglih stolova i tribina za dan nezavisnosti i državnosti BiH, te obilježavanja drugih značajnih datuma za Kanton, FBiH i BiH, kao i drugih značajnih državnih manifestacija, - Finansiranje ili sufinansiranje kulturnih, sportskih, vjerskih manifestacija i raznih humanitarnih projekata i akcija, (pomoć povratnicima i sl.), od značaja za Kanton, općinu ili državu BiH čiji je pokrovitelj Kanton ili Vlada ili pak u supokroviteljstvu sa drugim nivoima vlasti u BiH, organima, organizacijama, udruženjima i institucijama, te sufinansiranje i finansiranje aktivnosti i događaja značajnih za registrovanu djelatnost nekog udruženja građana, (osim kapitalnih ulaganja)	Očuvanje i promocija historijskih i državnih, te vjerskih tekovina i tradicija BiH, odnosno njenih naroda, te promocija Zeničko-dobojskog kantona u oblasti sporta, kao i razvoj i omasovljenje sporta na području Kantona i podrška humanitarnim projektima i akcijama od značaja za općinu, Kanton, Federaciju BiH ili državu BiH, (kao što su projekti povratka raseljenih lica i izbjeglica, pružanje raznih vidova pomoći u određenim humanitarnim akcijama, liječenjima i sl.).	Udruženja građana iz oblasti kulture, obrazovanja, nauke, sporta i sl., koji su organizatori sportskih takmičenja i manifestacija i sl., kao i udruženja koja obavljaju humanitarnu, dobrotvornu, obrazovnu, kulturnu ili drugu sličnu djelatnost, te vjerske zajednice		Predviđena su u Budžetu Zeničko-dobojskog kantona

	- Finansiranje ili sufinansiranje kulturnih, muzičkih, naučnih, sportskih i vjerskih manifestacija na području Kantona i BiH, kao i obilježavanja značajnih jubileja i događaja u oblasti obrazovanja, nauke, kulture i sporta, te troškova učešća na raznim sportskim, muzičkim, kulturnim vjerskim manifestacijama - Sufinansiranje troškova dodjele plaketa, nagrada i prijema zaslužnih sportskih, kulturnih, naučnih, sportskih i drugih kolektiva i pojedinaca sa područja Kantona, koji su svojim angažmanom u navedenim oblastima učinili da se promoviše Kanton u cjelini	-Promocija Zeničko-dobojskog kantona u oblasti kulture, obrazovanja, nauke i sporta, te njegovanje kulturnih i vjerskih tradicija naroda u BiH -Promocija i stimulisanje pojedinaca i kolektiva na ostvarivanju što boljih rezultata u radu i takmičenjima	Organizacije iz oblasti kulture, obrazovanja, nauke, vjerskog života i sporta Zaslužni sportski, kulturni, naučni, sportski i drugi kolektivi, organizacije i udruženja, te vjerske zajednice		Predviđena su u Budžetu Zeničko-dobojskog kantona
	- Za sufinansiranje troškova izdavanja knjiga i publikacija od značaja za Kanton, Federaciju BiH ili državu BiH, odnosno njenu istoriju, kulturu i vjersku tradiciju, te troškova nabavke stručne literature, finansiranje ili sufinansiranje određenih stručnih usavršavanja, seminara i edukacija, koji su od značaja za Kanton, Federaciju BiH ili državu Bosnu i Hercegovinu, njene narode i građane	Podsticaj izdavanja knjiga i publikacija koje promovišu kulturne, istorijske, tradicijske i vjerske vrijednosti naroda u BiH, te podsticaj i pomoć za stručna usavršavanja	Neprofitne organizacije, udruženja građana iz oblasti nauke, obrazovanja, kulture, sporta i sl., te vjerske zajednice		
UKUPNO PLANIRANA BUDŽETSKA SREDSTVA:					110.000,00 KM
SREDSTVA KOJA ODOBRAVA PREDSJEDAVAJUĆI SKUPŠTINE:					44.000,00 KM
SREDSTVA KOJA ODOBRAVAJU ZAMJENICI PREDSJEDAVAJUĆEG:					
					Kulović Behija: 33.000,00 KM
					Bulajić Goran: 33.000,00 KM

IZVJEŠTAVANJE

O utrošenim sredstvima po navedenim programima predsjedavajući Skupštine uz saglasnost zamjenika predsjedavajućeg Skupštine, polugodišnje izvještavaju Kolegij Skupštine.

ZAKLJUČAK

Predsjedavajući Skupštine i zamjenici predsjedavajućeg Skupštine će povodom svakog pojedinačnog zahtjeva za ostvarivanje prava na dodjelu određenog iznosa sredstava u gore navedene svrhe, donijeti zaključak o odobravanju određenog iznosa sredstava, (u okviru utvrđenog iznosa sredstava navedenih u ovom Programu, posebno za svakog od njih), a nakon prethodnog utvrđivanja ispunjavanja svih navedenih kriterija od strane podnosioca zahtjeva/molbe, u kome će se utvrditi obaveza korisnika sredstava, da poslije okončanog projekta ili manifestacije dostavi predsjedavajućem odnosno zamjenicima predsjedavajućeg Skupštine, izvještaj o namjenskoj upotrebi, odnosno utrošku odobrenih sredstava, na dostavljenom posebnom obrascu pomenutog izvještaja, (koji se korisniku sredstava dostavlja u prilogu Zaključka o odobravanju sredstava), u roku od 30 dana od dana okončanja određenog projekta ili aktivnosti, odnosno manifestacije za čiju realizaciju odnosno sufinansiranje su odobrena određena novčana sredstva, uz napomenu sadržanu u Zaključku o odobravanju sredstava da u slučaju da ne dostavi izvještaj o namjenskom utrošku odobrenih sredstava neće imati pravo aplicirati za dodjelu sredstava u narednoj fiskalnoj godini.

Broj: 01-11-4073/23
Datum, 22.03.2023. godine
Z e n i c a

SAGLASNI:

**ZAMJENIK
PREDSJEDAVAJUĆEG**

Kulović Behija

**ZAMJENIK
PREDSJEDAVAJUĆEG**

Bulajić Goran

PREDSJEDAVAJUĆI

Kovačević Dejan